



მე-2 გვერდზე



მე-3 გვერდზე

რამდენი მილიონი და რა ქონება მიიღო ქუთაის-გაენათის ეპარქიამ ქუთაისის ბიუჯეტიდან?

ყველა კვლევის თანახმად, საქართველოში ეკლესია დღემდე ყველაზე დიდი ნდობით სარგებლობს საზოგადოებაში, თუმცა რა ხდება რეალურად ჩვენი თვალსაწიერის მიღმა და როგორ მიმდინარეობს შიდა პროცესები, ეს ყოველთვის ტაბუდირებული თემა იყო. სწორად ამ საკითხზე დასმული კითხვები უბასუხოდ რჩება ხოლმე.

თუმცა, დედა ეკლესიაში რომ მთლად ყველაფერი რიგზე ვერა და მინიმუმ ფინანსურ დარღვევებთან თუ სახსრების არამიზნობრივ ხარჯვას აქვს ადგილი, ამას ამ უკანასკნელ პერიოდში ყველაზე გახმაურებული შიდა საეკლესიო ამბებიც ცხადყოფენ. სახელმწიფო ბიუჯეტიდან ეკლესიის დაფინანსება ახალი ამბავი არაა, თუმცა თანხების ხარჯვის მიზნობრიობა დღემდე ბუნდოვანია. ჩვენ შევეცადეთ, გავგვერკვია, ქუთაისის ადგილობრივი ბიუჯეტიდან ბოლო ათწლეულის მანძილზე რა თანხები თუ ქონება მიიღო ქუთაის-გაენათის ეპარქიამ და რას მოხმარდა ეს თანხები.

როგორც ქუთაისის მერიის ადმინისტრაციული სამსახურის უფროსმა, ზვიად ჯავახიამ გვაცნობა, 2007 წლიდან დღემდე ქუთაის-გაენათის ეპარქიის ბიუჯეტიდან მიღებული აქვს 1 014 000 ლარი. კერძოდ: 2007 წელს — 33 ათასი ლარი, 2008 წელს — 99 ათასი ლარი, 2009 წელს — 45 ათასი ლარი, 2010 წელს — 40 ათასი ლარი, 2011 წელს — 71 ათასი ლარი. 2012 წელს — 45 ათასი ლარი. 2013 წელს — 202 ათასი ლარი. 2014 წელს — 350 ათასი ლარი. 2015 წელს — 57 ათასი ლარი. 2016 წელს — 72 ათასი ლარი. თუმცა, სად წავიდა ეს თანხები და რაში დაიხარჯა, ამაზე პასუხს მერია ვერ გვცემს, რადგან იგი არ აწარმოებს ამ თანხების მონიტორინგს და არც ერევა ეპარქიის საქმეში. თავის მხრივ, ეპარქიაც თავს არიდებს შეკითხვებზე პასუხის გაცემას.

გაგრძელება მე-3 გვერდზე



NGO-ების განცხადება საარჩევნო სისტემასთან დაკავშირებულ საკონსტიტუციო ცვლილებებზე

არასამთავრობო ორგანიზაციები: "სამართლიანი არჩევნები", "საქართველოს ახალგაზრდა იურისტთა ასოციაცია" და "საერთაშორისო გამჭვირვალობა-საქართველო" ეხმაურებიან არჩევნებთან და საარჩევნო სისტემასთან დაკავშირებით „ქართული ოცნების“ უმრავლესობის მიერ საკონსტიტუციო კომისიაში წარმოდგენილი ცვლილებების პროექტს. წარმოდგენილი ვერსიით, უქმდება მაჟორიტარული საარჩევნო სისტემა, თუმცა პროპორციულობა პარტიის მიერ მიღებულ ხმებსა და მის მიერ პარლამენტში მოპოვებულ მანდატებს შორის უზრუნველყოფილი არ იქნება; პოლიტიკური პარტიები არჩევნებში მონაწილეობის მისაღებად საარჩევნო ბლოკებად ვერ გაერთიანდებიან; საქართველოში ამომრჩეველი საქართველოს პრეზიდენტს პირდაპირი წესით ვერ აირჩევს.

გვსურს გამოვხატოთ არჩევნებთან და საარჩევნო სისტემასთან დაკავშირებით „ქართული ოცნების“ უმრავლესობის მიერ საკონსტიტუციო კომისიაში წარმოდგენილი ცვლილებების პროექტს. წარმოდგენილი ვერსიით, უქმდება მაჟორიტარული საარჩევნო სისტემა, თუმცა პროპორციულობა პარტიის მიერ მიღებულ ხმებსა და მის მიერ პარლამენტში მოპოვებულ მანდატებს შორის უზრუნველყოფილი არ იქნება; პოლიტიკური პარტიები არჩევნებში მონაწილეობის მისაღებად საარჩევნო ბლოკებად ვერ გაერთიანდებიან; საქართველოში ამომრჩეველი საქართველოს პრეზიდენტს პირდაპირი წესით ვერ აირჩევს.

საარჩევნო სისტემა და მანდატების გადანაწილების წესი: შემოთავაზებული ვერსიით, მაჟორიტარული სისტემა უქმდება, რაც უდავოდ მისასაღებელი ფაქტია. თუმცა, მოცემული ვერსია ითვალისწინებს ასევე გაუნაწილებელი მანდატების მხოლოდ პირველ ადგილზე გასული პოლიტიკური პარტიისთვის მინიჭებას. გაუნაწილებელი მანდატების რაოდენობა შეიძლება მთლიან მანდატების 10%-ს ან

მეტსაც შეადგენდეს. შესაბამისად, ამ მანდატების მთლიანად ერთი პარტიისთვის მიკუთვნება არსებითად გაზრდის პარტიის მიერ მიღებულ ხმებსა და მანდატებს შორის დისპროპორციას.

აღსანიშნავია, რომ მაჟორიტარული სისტემის გაუქმების მოთხოვნა იმიტომ დადგა დღის წესრიგში, რომ ის ამომრჩეველთა ხმებსა და პოლიტიკური პარტიების მიერ მიღებულ მანდატებს შორის დისპროპორციას წარმოქმნის. მოტივაცია, რომ საარჩევნო სისტემა უზრუნველყოს სტაბილურობა გასაგებია, მაგრამ მსგავსი მეთოდით აღნიშნული მიზნის მიღწევა უსამართლო და გაუმართლებელია. სისტემის შეცვლას აზრი ეკარგება, თუ პროპორციული საარჩევნო სისტემის პირობებშიც კი, მანდატების გადანაწილების არსებითად უსამართლო და არაპროპორციულ შედეგს მივიღებთ. მიგვაჩნია, რომ, პროპორციულ სისტემაზე გადასვლასთან ერთად, გაუნაწილებელი მანდატები პარტიებს შორის უნდა გადანაწილდეს მათ მიერ მიღებულ ხმების პროპორციულად.

პრეზიდენტის არჩევის წესი: შემოთავაზებული ვერსიით, უქმდება საქართველოს პრეზიდენტის პირდაპირი არჩევის წესი და ის არაპირდაპირ, პარლამენტის მიერ აირჩევა. დემოკრატიის განვითარებისა და ამომრჩეველთა ინტერესების გათვალისწინებით, მიგვაჩნია, რომ პრეზიდენტი პირდაპირი წესით უნდა იყოს არჩეული. პრეზიდენტის პირდაპირი წესით არჩევნების გაუქმება არ წარმოადგენს საპარლამენტო მოდელიდან გამომდინარე აუცილებლობას, რადგან საპარლამენტო მმართველობის მქონე ბევრ ევროპულ ქვეყანაშიც, მიუხედავად შეზღუდული

უფლებამოსილებებისა, პრეზიდენტი პირდაპირი წესით აირჩევა.

იმ შემთხვევაში, თუ მაინც მოხდება პირდაპირი წესით არჩევნების გაუქმება, მნიშვნელოვანია, რომ ეს არ შეეხოს მომდევნო 2018 წლის საპრეზიდენტო არჩევნებს და ძალაში შევიდეს 2023 წელს. მხოლოდ ასეთ შემთხვევაში იქნება შესაძლებელი პრეზიდენტის არჩევის წესის ცვლილება პოლიტიკური დატვირთვისგან გათავისუფლდეს და კონკრეტულ პირობებშიც გამოიღებულად არ იყოს აღქმული.

მისასაღებელია, რომ მსგავსი პოზიცია უმრავლესობის მხრიდანაც გამოითქვა, თუმცა კატეგორიულად მიუღებელია საკონსტიტუციო კომისიის თავმჯდომარის ის განცხადებები, რომლის მიხედვითაც პრეზიდენტის არჩევის წესის საკონსტიტუციო ცვლილების ძალაში შესვლა შესაძლოა დამოკიდებული იყოს პრეზიდენტის მიერ გამოთქმულ ამა თუ იმ პოზიციაზე. მსგავსი განცხადებები ხელს უშლის კონსტიტუციულ დისკუსიას და მხოლოდ ამყარებს ეჭვებს, რომ პრეზიდენტის არჩევის წესი ცვლილების ინიციატივა მოქმედი პრეზიდენტისადმი პირადი დამოკიდებულებიდან გამომდინარეობს.

ბლოკების გაუქმება: მომზადებული ცვლილებები ითვალისწინებს საარჩევნო ბლოკების გაუქმებას, რის არგუმენტადაც მოყვანილია პარტიების განვითარების და გაძლიერების აუცილებლობა. მიგვაჩნია, რომ აღნიშნული ცვლილება, თუნდაც ის მომდევნო არჩევნებისთვის არ ამოქმედდეს, შედეგად რადიკალურ ზომას წარმოადგენს და არ არის მიზანშეწონილი. განსაკუთრებულად მიუღებელი იქნება ეს

ნაბიჯი თუ შენარჩუნდება 5-იანი ბარიერი და დამტკიცდება მანდატების განაწილების შემოთავაზებული წესი.

აღსანიშნავია ისიც, რომ უმეტეს შემთხვევაში საარჩევნო ბლოკების შექმნა მხოლოდ ფინანსური ან სხვა მატერიალური და არამატერიალური სარგებლის მიღებით არის გამოწვეული, რაც ცალსახად უარყოფითი ფაქტია. აღნიშნული პრაქტიკის აღმოსაფხვრელად და არალეგიტიმური მანიპულაციების გამოსარიცხად, უმჯობესია, ცვლილებები განხორციელდეს შესაბამისი კანონმდებლობაში. ასეთი მიდგომა უზრუნველყოფს იმას, რომ ერთი მხრივ პარტიები ორიენტირებული არ იქნებიან ბლოკის შექმნაზე ფინანსური სარგებლის ინტერესით, რაც გრძელვადიან პერსპექტივაში პარტიების გაძლიერებას შეუწყობს ხელს და მეორე მხრივ, თუ პარტიები გადაწყვიტენ მაინც შექმნან ბლოკი, ეს გამოწვეული იქნება მხოლოდ პოლიტიკური და არჩევნებში გამარჯვების ინტერესით. ასეთ შემთხვევაში კი, საარჩევნო ბლოკის შექმნა გამართლებულია.

საპარლამენტო არჩევნების თარიღის განსაზღვრა: წარმოდგენილი ვერსიით შემოთავაზებულია არჩევნების ფიქსირებული თარიღი, კერძოდ, პარლამენტის უფლებამოსილების ვადის ამოწურვის კალენდარული წლის ოქტომბრის პირველი კვირა დღე. აღნიშნულის მიზანი შეიძლება იყოს მომავალში იმ გაუგებრობის თავიდან აცილება, რაც გამოწვეული იყო 2016 წლის საპარლამენტო არჩევნების დანიშნვისას. თარიღის დაკონკრეტება პრობლემად არ მიგვაჩნია, თუმცა არც აუცილებლობას არ წარმოადგენს ერთ

შემთხვევაში მომხდარი გაუგებრობის გამო. აღსანიშნავია, რომ ოქტომბრის პირველ კვირაში არჩევნების დანიშვნა შესაძლებლობას არ აძლევს პოლიტიკურ პარტიებს სრულფასოვნად აწარმოონ წინასაარჩევნო კამპანია, ვინაიდან საარჩევნო კამპანიის დროის უმეტესი ნაწილი ემთხვევა ზაფხულის პერიოდს, როდესაც ამომრჩეველთა დიდი ნაწილი ისვენებს. აქედან გამომდინარე, შეიძლება მიზანშეწონილი იყოს მსჯელობის გამართვა არჩევნების გაზაფხულზე გადატანის შესახებ.

მიგმაართავი სახელმწიფო საკონსტიტუციო კომისიის თავმჯდომარის და კომისიის წევრებს მხარი დაუჭირა:

- არსებული საარჩევნო სისტემის პროპორციული მოდელით ჩანაცვლებას, მათ შორის გაუნაწილებელი მანდატების პროპორციულად გადანაწილებას, რათა თავიდან იქნას აცილებული არსებითად უსამართლო და არაპროპორციული შედეგი;
- საარჩევნო ბლოკების შენარჩუნებას;
- პრეზიდენტის არჩევის პირდაპირი წესის შენარჩუნებას, როგორც მინიმუმ მომდევნო, 2018 წლის საპრეზიდენტო არჩევნებისთვის.

PS news.ge
 ISSN 1987-7056

 9 771 987 705004

კახა კუკავამ არასაპარლამენტო ოპოზიციურ პარტიებს გაერთიანებისკენ მოუწოდო

პარტია „თავისუფალი საქართველოს“ ლიდერმა კახა კუკავამ ქუთაისში, დემოკრატიული ჩართულობის ცენტრში, მედიასთან და პარტიის მხარდამჭერებთან შეხვედრა გამართა, სადაც 2017 წლის თვითმმართველობის არჩევნებისა და ქვეყანაში ბოლო დროს მიმდინარე რეზონანსულ თემებზე ისაუბრა.

აღნიშნული შეხვედრაზე გაუფრთხილდა ინფორმაცია „თავისუფალი საქართველოს“ და „ვეტერანთა პარტიის“ გაერთიანების შესახებ.

თავისუფალმა საქართველომ ყველა პარტიას მოუწოდა გაერთიანებისკენ, რათა მთელი ხმების კონცენტრაცია კვლავ ორი პარტიის გარშემო არ მოხდეს. „ჩვენი პოზიციაა, თვითმმართველობის საარჩევნო კამპანია არასაპარლამენტო ოპოზიციურმა პარტიებმა ვაწარმოთ ერთობლივად, რადგან აშკარაა, რომ ნაციონალური მოძრაობა და ქართული ოცნება მოქმედებენ შეთანხმებულად, ხდება ამომრჩევლის პოლარიზაცია. ყველას მოვუწოდებ, ყველა რეგიონში ერთობლივად, გაერთიანებულად, დავასახელოთ კანდიდატები, წინააღმდეგ შემთხვევაში კვლავ 2 პარტიის ხელში აღმოჩნდება მთელი ხმები.“-განაცხადა კახა კუკავამ.

კახა კუკავამ ასევე ისაუბრა ბათუმში მიმდინარე მოვლენების შესახებ და ამ ყველაფერს სპექტაკლი უწოდა, რადგან ასეთი ქმედებების გამო შეუძლებელია დამნაშავეების მხოლოდ ადმინისტრაციული ჯარიმით დასჯა.

ლიკა დავდარიანი

მყარი ნარჩენების მართვის კომპანიის განცხადება

გაცნობებთ, რომ 2017 წლის 11 მაისს, 12:00 საათზე თერჯოლის მუნიციპალიტეტის გამგეობის შენობაში ჩატარდება ქუთაისის მყარი ნარჩენების ინტეგრირებული მართვის პროექტის ბუნებრივ და სოციალურ გარემოზე ზემოქმედების დოკუმენტის საჯარო განხილვა.

პროექტი ხორციელდება საქართველო-გერმანიის ფინანსური თანამშრომლობის ფარგლებში. გერმანიის რეკონსტრუქციის ბანკი (KfW) დახმარებას უწევს შპს „მყარი ნარჩენების მართვის კომპანია“ აღნიშნული პროექტის განხორციელებას.

პროექტის მიზანია დააარსოს მყარი ნარჩენების მართვის ახალი სისტემა, რომელიც მოემსახურება იმერეთის, რაჭა-ლეჩხუმისა და ქვემო სვანეთის რეგიონებს. პროექტის ძირითადი კომპონენტი იქნება ახალი, არასანიფათო ნარჩენების ნაგავსაყრელის მოწყობა ქუთაისიდან აღმოსავლეთით, 7 კმ-ში, სოფ. ჰოვანარსა და გოლოვანს შორის. ნაგავსაყრელი ცენტრალიზებულად მოემსახურება პროექტის მთლიან არეალს. მოპირებული ადგილებიდან ნარჩენების ტრანსპორტირებისათვის მოეწყობა 5 გადამტვირთავი სადგურები.

დაგეგმილ საქმიანობასთან დაკავშირებული დოკუმენტაციის გაცნობა და თქვენი მოსაზრებებისა და შენიშვნების გამოგზავნა შესაძლებელია შემდეგ მისამართებზე:

- > ქ.თერჯოლა, რუსთაველის ქ. #7
- > საქართველოს მყარი ნარჩენების მართვის კომპანია მისამართი: ქ. თბილისი, 0186, პოლიტექნოპარკის N10. ტელ.: (+995 32) 2 43 88 30;

ვებგვერდი: www.waste.gov.ge

ელ. ფოსტა: info@waste.gov.ge

დაინტერესებული პირების მოსაზრებებისა და შენიშვნების მიღების ბოლო ვადაა 2017 წლის 1 მაისი.

იბერეთის მუნიციპალიტეტებში ხელფასების, პრემიებისა და დანამატების სახით 22 323 636 ლარი გაიყიდა



„საერთაშორისო გამჭვირვალობა საქართველო“ მორიგი კვლევის შედეგებს აქვეყნებს, საქართველოს სხვადასხვა რეგიონის მუნიციპალიტეტებში დასაქმებულთა სახელფასო ოდენობისა და გაცემული პრემიების შესახებ.

აღნიშნული კვლევის მიხედვით, იმერეთის მუნიციპალიტეტებში 2016 წელს გაცემულმა სახელფასო ანაზღაურებამ 22 323 636 ლარი შეადგინა. აქედან, გამგეობებში/მერიებში სახელფასო ანაზღაურებაზე დაიხარჯა 17 217 253 ლარი, ხოლო საკრებულოებში - 5 106 383 ლარი. მუნიციპალიტეტებში გაცემულმა პრემია/ჯილდო/დანამატებ/სახელფასო დანამატმა ჯამში წლის განმავლობაში 3 360 132 ლარი შეადგინა (გამგეობებში - 2 592 786 ლარი, საკრებულოებში - 767 346 ლარი).

გაცემული ხელფასების/პრემია/ჯილდო/დანამატ/სახელფასო დანამატების ოდენობით ქუთაისის მუნიციპალიტეტი ლიდერობს. ქუთაისის საკრებულოში საკრებულოს თანამდებობის პირები - თავმჯდომარის მოადგილეები, ბექა ყაზნაგელი და ნიკოლოზ ლატარია, მთელი წლის განმავლობაში იღებდნენ დანამატს თვეში 2150 ლარის ოდენობით. ჯამში, მთელი წლის მანძილზე თითოეულის მიერ აღებული სახელფასო დანამატმა 25 800 ლარი შეადგინა. ცალკეულ თანამდებობის პირებზე გაცემული მაღალი პრემია/დანამატი გამოირჩეოდა ასევე სამტრედიის, ხარაგაულის, წყალტუბოს, ზესტაფონის და ხონის მუნიციპალიტეტები.

ქუთაისის მუნიციპალიტეტის შემდეგ პრემია ყველაზე დიდი ოდენობით გაიცა ზესტაფონის მუნიციპალიტეტის გამგეობასა და საკრებულოში (გამგეობა - 405 245 ლარი, საკრებულო - 95 025 ლარი). აღებული პრემიის სიმცირით გამოირჩევა ბაღდათის გამგეობა (17 550 ლარი) და ხარაგაულის საკრებულო (1000 ლარი).

მუნიციპალიტეტების საკრებულოების რეგლამენტის თანახმად, დაუშვებელია მუნიციპალიტეტის საკრებულოს წევრისთვის ხარჯების ანაზღაურება პრემიებისა და დანამატების სახით. საინტერე-

სო ტყიბულის მუნიციპალიტეტის საკრებულოს დამოკიდებულება ამ მუხლისადმი. ისინი აღნიშნულ ნორმას საკრებულოს თანამდებობის პირებზეც ავრცელებენ და მოწოდებულ დოკუმენტაციაში გვწერენ, რომ ტყიბულის მუნიციპალიტეტში საკრებულოს თანამდებობის პირები, საკრებულოს რეგლამენტის შესაბამისად, პრემიას დასახელფასო დანამატს არ იღებენ. შესაბამისად, ტყიბულის საკრებულოს აპარატის თანამშრომლებზე გაცემულმა პრემიამ სულ 3 600 ლარი შეადგინა.

ქუთაისის საკრებულოში საკრებულოს თანამდებობის პირები - თავმჯდომარის მოადგილეები, ბექა ყაზნაგელი და ნიკოლოზ ლატარია, მთელი წლის განმავლობაში იღებდნენ დანამატს თვეში 2150 ლარის ოდენობით. ჯამში, მთელი წლის მანძილზე თითოეულის მიერ აღებული სახელფასო დანამატმა 25 800 ლარი შეადგინა. ცალკეულ თანამდებობის პირებზე გაცემული მაღალი პრემია/დანამატი გამოირჩეოდა ასევე სამტრედიის, ხარაგაულის, წყალტუბოს, ზესტაფონის და ხონის მუნიციპალიტეტები.

ქალაქ ქუთაისის მერიამ არ მოგვარა პრემია/დანამატის შესახებ ინფორმაცია სრულყოფილი სახით. ჩვენთვის ცნობილია, კონკრეტულად ვისზე გაიცა აღნიშნული პრემია/დანამატი. მათ შორის, წარმოდგენილ დოკუმენტაციაშია ჩანს ქუთაისის მერისა და სხვა თანამდებობის პირებზე გაცემული პრემიის ოდენობა.

ზესტაფონის მუნიციპალიტეტი მოხდა უპრეცედენტო შემთხვევა, - საგაცემო გაცემა საშვებულებო დახმარება 128 350 ლარის ოდენობით, მსგავსი დენდრია ჯერ კანონში არ არსებობს. აღნიშნული თანხის გაცემა ხდებოდა დასაქმებულის სშვებულებაში გასვლის პერიოდში, თანამდებობრივი სარგოს ოდენობით. ამრიგად, დასაქმებული შვებულებაში ყოფნის პერიოდში იღებდა სარგოს ორმაგ ოდენობას. აღსანიშნავია, რომ ტერმინს „საშვებულებო დახმარება“ დამისი გაცემის მიზნობრიობას მოქმედი კანონმდებლობა არ იცნობს.

პრემიის გაცემის დღეები ყველა მუნიციპალიტეტში ერთმანეთს

ემთხვევა. პრემია, როგორც წესი, გაიცემა 8 მარტის (მხოლოდ ქალთანამშრომლებზე), სააღდგომო და ახალი წლის დღესასწაულებთან დაკავშირებით. საყურადღებოა, რომ სამტრედიის მუნიციპალიტეტში ამ დღეების გარდა, მარიამობის დღესასწაულთან დაკავშირებითაც გასცა პრემია. პრემიების გაცემასთან დაკავშირებით დამკვიდრებული პრაქტიკის თანახმად, პრემია თითქმის ყველამუნიციპალიტეტში გაიცემა უკლებლივ ყველა თანამშრომელზე და მისი გაცემის დასაბუთებულობაც არ პასუხობს კანონმდებლობით დაწესებულ სტანდარტებს.

თუ რა დამსახურებისთვის გაიცა ქუთაისის მერიამ ამ რაოდენობის თანხა, ამ საკითხზე კომენტარი გაუეთქვა მერიის ადმინისტრაციის უფროსმა ზვიად ჯავახიამ: „სანტერესოა, წინა ხელისუფლების მიერ ექსპერტ მეთი პრემია-დანამატი, რომ გაიცა მაშინ რატო არ ჩატარა ვინმე კვლევა. სხვა ქალაქებთან შედარებით ქუთაისის მერია არის თვითმმართველი ქალაქი და შესაბამისად მეტი თანამშრომლითაა წარმოდგენილი, ამიტომ არავისთვის უნდა იყოს ვასაკვირი, ის ფაქტი რომ აქ გაიცა ყველაზე მეტი პრემია-დანამატი.“

კვლევის მოკლე ანალიზს აკეთებს „საერთაშორისო გამჭვირვალობა საქართველო“-ს კოორდინატორი ლელა მოწონელიძე.

„ქუთაისის მერიამ ინფორმაცია მოგვარა, რიცხვობრივად, შესაბამისად წარმოდგენილია ინფორმაციამ ჩვენ არ მოგვცა საშუალება, დაგვედგინა, რომელმა თანამდებობის პირმა, რა რა რაოდენობის თანხა აიღო.“

რაც შეეხება ზესტაფონის მუნიციპალიტეტს, ის ერთადერთია, რომელიც იყენებს ტერმინს საშვებულებო დახმარება. დასაქმებული პირები გადიოდნენ შვებულებაში და იღებდნენ ხელფასის ოდენობის თანხას, საშვებულებო დახმარების სახელით. რა თქმა უნდა, ეს კანონდარღვევაა, რადგან არ შეიძლება დახმარების აღების მიზეზი ვახდეს შვებულება.

ლიკა დავდარიანი

ქუთაისელი მთავლების ფოტოგამოფენა ფერეიდნელ ქართველებს მიეძღვნა

მოგზაურთა და ექსტრემალისტთა კლუბმა „თეთნულდმა“, ქუთაისში, „თი ბი სი“ ბანკის საგამოფენო დარბაზში ფოტოგამოფენა მოაწყო სახელწოდებით „სხვა საქართველო“.

2017 წელს კლუბ „თეთნულდის“ 5 კაციანი ჯგუფი ირანში იმყოფებოდა, სადაც ფერეიდნე მცხოვრებ ქართველებს სტუმრობდნენ. მათ ადგილობრივ მთავლებს კლუბ „შაჰან კუბთან“ ერთად, დალაშქრეს მწვერვალი „შაჰან კუ“, მწვერვალი „მთაბეზი“ და მოინახულეს მარაბჯანის უდაბნო. გამოფენაზე სწორედ ამ მოგზაურობის ამსახველი ფოტომასალა იყო წარმოდგენილი.

მოგზაურობისას მიღებული ემოციებისა და შთაბეჭდილებების შესახებ გვესაუბრა არიკო გვეგნავა, კლუბ „თეთნულდის“ წევრი, ფოტოგრაფი:

„ეს გამოფენა ეძღვნება ფერეიდნე ქართველების გადასახლების 400 წლის თავს. საკმაოდ მნიშვნელოვანი ფოტომასალა ჩამოვიტანეთ და ექსპედიციაც საინტერესო გამოდგა. პირველი ქართველები ვიყავით, ვინც ამ მწვერვალზე დაღვა ფეხი.“

შეგახსენებთ, კლუბი „თეთნულდი“ წარმოდგენს არასამხარკო-არაკომერციულ იურიდიულ პირს, რომლის მიზანია საქართველოში მთავლების, სპალეო ტურიზმის და სამთო სპორტის პოპულარიზაცია-განვითარება. ასევე - დაინტერესებული ახალგაზრდების შეკრება, მათთვის თეორიული და პრაქტიკული გამოცდილების გაზიარება, მთაში გადაადგილებისა და ბუნებრივი რესურსების გამოყენების სფეროში.

„ზღვა მეგობრობის სიმბოლო“ - ირანელი და ქართველი ფოტოგრაფების ერთობლივი გამოფენა ქუთაისში

ქუთაისის ლალო მესხიშვილის სახელობის სახელმწიფო დრამატულ თეატრში, ირანელი ფოტოგრაფის და ფილმების კვირეულის ფარგლებში, ირანელი ფოტოგრაფების გამოფენა „ზღვა-მეგობრობის სიმბოლო“ და ირანელი ფილმების ჩვენება მოეწყო.

„გამოფენის ძირითადი თემატიკა არის ზღვა. რა მსგავსება და განსხვავებაა ამ ორ ერს შორის. გამოფენაზე წარმოდგენილი ფოტოებში ჩანს, რომ ორივე ერის ფოტოგრაფების დამოკიდებულება ჰუმანიზმს, მშვიდობისა და მეგობრობის მიმართ არის ერთნაირი.“- განაცხადა ირმა პეტრიაშვილი ქუთაისის საკრებულოს კულტურის, განათლების, სპორტისა და ახალგაზრდულ საქმეთა სამსახურის თავმჯდომარე.

ონისძიების ორგანიზატორები იყვნენ ირანის ისლამური რესპუბლიკის საელჩოს კულტურის განყოფილება, ქალაქრამის მერი, ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისია.

ლიკა დავდარიანი

რამდენი მილიონი და რა ქონება მიიღო ქუთაის-განათლის ეპარქიამ ქუთაისის ბიუჯეტიდან?

პირველი გვერდიდან

ერთდღიანი ზოგადი ინფორმაცია თანხების ხარჯვასთან დაკავშირებით, ქუთაისის მერიის საფინანსო სამსახურის ხელმძღვანელმა, ირაკლი ავალიანმა მოგვამოგვითხრა, რომ ქუთაისის ბიუჯეტიდან ეპარქიაში ყოველწლიურად გადაარიცხული თანხების მიზნობრიობა არის ტაძრების განათლების მოწესრიგება და ეკლესიების მშენებლობა. მისივე განმარტებით, მაგალითად, 2016 წელს გამოყოფილი 72 000 ლარიდან დაფინანსდა გელათისა და ბაგრატიის ტაძრების განათება და რამდენიმე ეკლესიის მშენებლობა. ასევე ირაკლი ავალიანის თქმით: „ეპარქია არის დამოუკიდებელი ორგანიზაცია, მათი ხარჯების ინსპექტირება ჩვენ მიერ არ ხდება, ჩვენ ვრიცხავთ თანხას კონკრეტული შემსრულებლის სახელზე და შემდეგ ისინი ფაქტურებს აგზავნიან ხაზინის ერთიანი სერვისულ სისტემაში.“



ქუთაისის მერიის მიერ მოწოდებული ინფორმაციიდან ირკვევა, რომ 2002 წელს გადაცემულია 2 მიწის ნაკვეთი, 2003-2006 წლებში - 4 მიწის ნაკვეთი, 2007 წელს - 2 მიწის ნაკვეთი, 2008 წელს - 2 შენობა ნაგებობა, 1 მიწის ნაკვეთი და 2 სკვერი, 2009 წელს - 1 მიწის ნაკვეთი და 1 სკვერი, 2010 წელს - 6 სკვერი, 3 მიწის ნაკვეთი, 2012 წელს - 3 მიწის ნაკვეთი და 2 შენობა-ნაგებობა, 2013 წელს - 2 სკვერი და 4 მიწის ნაკვეთი და 3 მწვანე ზოლი, 2014 წელს - 2 სკვერი და 2 მწვანე ზოლი.

მიწის ნაკვეთი და სკვერი განკუთვნილია ეკლესიის მშენებლობისთვის, ხოლო შენობა ნაგებობა საბავშვო ბაღის ან საეკლესიო ბიბლიოთეკის ფუნქციონირებისთვის. როგორც მერიის განცხადებით, აღნიშნული ტერიტორიები ეპარქიის მიმართვისა და თხოვნის საფუძველზე გადაეცა. ამ სტატიაზე მუშაობისას ჩვენ დავინტერესდით, ქუთაისში არსებულ სხვა კონფესიებსაც თუ მიუღიათ რაიმე თანხა ან ქონება ქალაქის ბიუჯეტიდან, რაზეც ასეთი პასუხი მივიღეთ: „ქალაქ ქუთაისის მუნიციპალიტეტის მერიის მიერ არ მომხდარა უძრავი ქონების გადაცემა სხვა კონფესიებისათვის და არც რომელიმე კონფესიის დაფინანსება მომხდარა ქუთაისის ბიუჯეტიდან.“

და, კიდევ ერთი ფაქტი, რომლის აღნიშვნაც საჭიროდ მივიჩინეთ ამ წერილში: ყურნალისტი დალი ბარაბაძე, რომელიც საპატრიარქოს რადიოში მუშაობდა, ქუთათელ-გაენათელ მიტროპოლიტს, მეუფე კალისტრატეს დღემდე ადანაშაულებს თანხის, 8 000 ლარის მითვისებაში. მისივე თქმით, მერიამ ეს თანხა გა-

მოყო ეპარქიის რადიოსთვის და იმ გადაცემისთვის, რომელსაც დალი ბარაბაძე ამზადებდა, თუმცა თანხა არ მოხმარდა არცერთ გადაცემას. ამ საკითხზე ყურნალისტის სარჩელი პირველ ინსტანციაში განიხილა მოსამართლე ციციკო კიკვაძემ, რომელმაც მოსარჩელის მოთხოვნა არ დააკმაყოფილა, თუმცა ყურნალისტი მეუფის წინააღმდეგ საქმის შეწყვეტას არ აპირებს.

აღსანიშნავია ის ფაქტიც, რომ დალი ბარაბაძე მეუფე კალისტრატეს სამსახურიდან უკანონო გადავიღებულადაც ედავება. მისი თქმით, როცა მან ზემოთაღნიშნული თანხის მეუფისგან მითვისების საკითხზე ხმაილალი განცხადებები გააკეთა, კალისტრატემ ის სამსახურიდანაც კი გაათავისუფლა. აღნიშნულ საკითხზე სასამართლო დავა ამჟამად პირველ ინსტანციაში მიმდინარეობს. საქმეს განიხილავს მოსამართლე მანანა ნიკაპაძე.

ეს ყველაფერი, რასაც ამ წერილში შეგვეთ და ეკლესიის სფეროში ბოლო ხანს განვითარებული მოვლენები თვალნათლივ გვიჩვენებს, რომ საჭირო და აუცილებელიც კია, რომ კონტროლდებოდეს ბიუჯეტიდან ეკლესიაში გადაარიცხული თანხები და საზოგადოებამ იცოდეს, რა კეთდება და სად იხარჯება ფული.

ჩვენ კი ამ საკითხებზე გამოძიებას კვლავ გავაგრძელებთ.

ნათო გუზალაძე
მედი კაპაბაძე

განათლების სამინისტრომ პედაგოგთა თავისუფალ პროფკავშირებთან დარგობრივი შეთანხმება გააფორმა

საქართველოს განათლებისა და მეცნიერების სამინისტრო ერთ-ერთი პირველი სახელმწიფო უწყებაა საქართველოში, რომელმაც თავისუფალ პროფკავშირებთან დარგობრივი შეთანხმება გააფორმა.



შეთანხმების გაფორმებისას

საგანმანათლებლო დაწესებულებებში დასაქმებულთა ხელშეწყობასა და მათ მხარდაჭერაზე ორიენტირებულ დარგობრივ შეთანხმებას, საქართველოს პედაგოგთა და მეცნიერთა თავისუფალ პროფკავშირს (სპმპ) და განათლებისა და მეცნიერების სამინისტროს შორის, 16 მარტს მოეწერა ხელი.

რო ვალდებულებების შესრულების კონტროლი და პასუხისმგებლობა; ხარისხიანი განათლების მიღების ხელშეწყობა.

და სოციალურ დიალოგს, რომელიც ბოლო წლებში აქტიურად ხორციელდება.

შესახებ, საქართველოს ვიცე-პრემიერის, განათლებისა და მეცნიერების მინისტრის გადაწყვეტილება ნათელი დადასტურებაა ქვეყანაში დემოკრატიული პროცესების განვითარებისა და დემოკრატიული მართვის პრინციპების დამკვიდრების.

დარგობრივი შეთანხმება უზრუნველყოფს განათლებისა და მეცნიერების სამინისტროსა და პედაგოგთა და მეცნიერთა თავისუფალ პროფკავშირს შორის სოციალური დიალოგისა და დიალოგის ფორმატში კონფლიქტების მოგვარების ინსტიტუციონალიზაცია, რაც საგანმანათლებლო სისტემაში დასაქმებულთა უფლებების გაუმჯობესებაზე ორიენტირებულია.

სპმპ, პედაგოგთა სახელით მდლობას უხდის განათლებისა და მეცნიერების მინისტრს და მეცნიერების მინისტრს დემოკრატიულ პრინციპებზე დაყრდნობით, პედაგოგთა ინტერესების დაცვის მიზნით მიმდინარე თანამშრომლობისა და პედაგოგთა მხარდაჭერისათვის.

2017 წლის ახალგაზრდა გლობალურ ლიდერად მსოფლიო ეკონომიკურმა ფორუმმა საქართველოდან ნინო ზამბახიძე შეარჩია

ყენევა, შვეიცარია, 16 მარტი 2017 - ასი მსოფლიოს ყველაზე მნიშვნელოვანი მხატვარი, ბიზნესის ლიდერი, სოციალური მეწარმე, ტექ-პიონერი, მოაზროვნე და პოლიტიკის შემქმნელი - ყველა 40 წელს ქვემოთ - უკვე აღიარებული არიან 2017 წლის მსოფლიო ეკონომიკური ფორუმის მიერ, როგორც წლებადგენი ახალგაზრდა გლობალური ლიდერები (YGL).

YGL-ის 2017 წლის კლასის 54: ქალია და უმრავლესობა განვითარებადი ეკონომიკის მქონე ქვეყნებიდან არის შერჩეული. ისინი წარმოადგენენ მათი

თაობის საუკეთესო პროფესიონალებს. საქართველოდან, 2017 წლის კლასის ახალგაზრდა გლობალური ლიდერად (YGL) საქართველოს ფერმერთა ასოციაციის თავდღომარე, ნინო ზამბახიძე შეირჩა.

ნინო ზამბახიძის გამარჯვება ასახავს მის ისტორიას პროფესიული მიღწევების კუთხით, მის ერთგულებას საზოგადოების მიმართ და პოტენციალს, ხელი შეუწყოს მომავალი მსოფლიოს ჩამოყალიბებას მისი მონაწილეობით. ეს არჩევანი გულსხმობს 5 წლის მანძილზე Young Global Leader-ის ფორუმის აქტიურ წევრობას.

YGL-ის მიმდინარე წევრები და

კურსდამთავრებულები არიან მთავრობების წევრები, ნობელის პრემიისა და ოსკარის ნომინაციის ლაურეატები, გაეროს კეთილი ნების ელჩები და სოციალური მეწარმეები. YGL-ის კურსდამთავრებულებს მოეთხოვებათ ერთმანეთთან მუშაობა მომდევნო ხუთი წლის განმავლობაში, რათა მონაწილეობა მიიღონ მსოფლიოს უმძიმესი პრობლემებისა და გამოწვევების გადაწყვეტაში.

"ახალგაზრდა მსოფლიო ლიდერები ერთად წარმოადგენენ მათი თაობის საუკეთესო მაგალითს და ხელს უწყობენ მდგრადი სოციალური ინოვაციების ახალი მოდელის შექმნას." - განაცხადა

ჯონ დუტონმა.

ფორუმში Young Global Leaders არის უნიკალური საზოგადოება, რომელშიც 900-ზე მეტი განსაკუთრებული უნარების ახალგაზრდა ლიდერები არიან გაწევრიანებული. თამამი, გამბედავი და ქმედებაზე ორიენტირებული ადამიანები იღებენ ვალდებულებას, დათმონ როგორც მათი დრო, ასევე ნიჭი, რათა მსოფლიო გახადონ უკეთესი. ყოველ წელს, ფორუმის წევრების გადაწყვეტილებით, დაახლოებით 200 გამოჩენილი ახალგაზრდა ლიდერს აქვს პატივი მათი პროფესიული მიღწევების გათვალისწინებით, ხელი შეუწყონ მსოფლიოს მომავლის ჩამოყალიბებას.



ნინო ზამბახიძე



ბანცხაღება

2017 წლის 17 მაისს, 14 საათზე ქ. ქუთაისის მერიის ადმინისტრაციულ შენობაში (მისამართი: ქ. ქუთაისი, რუსთაველის N3), რიონის პიდროლექტროსადგურის ფუნქციონირების საექსპლუატაციო პარამეტრების შეცვლასთან დაკავშირებით, გაიმართება ბუნებრივ და სოციალურ გარემოზე ზემოქმედების შეფასების ანგარიშის საჯარო განხილვა. ბუნებრივ და სოციალურ გარემოზე ზემოქმედების შეფასების ანგარიშის წინასწარი ვერსია და შესაბამისი დეტალური ინფორმაცია საქმიანობასთან დაკავშირებით ხელმისაწვდომია შემდეგ მისამართებზე:

▶ საქართველოს გარემოსა და ბუნებრივი რესურსების დაცვის სამინისტროს გარემოზე ზემოქმედების ნებართვების დეპარტამენტი. ქ. თბილისი, გულუას ქ. N6; ტელ.: +995 (032) 272 72 60;

▶ სს „ენერჯო-პრო ჯორჯია გენერაცია“. ქ. თბილისი, სანდრო ეულის N19. ტელ.: +995 577 35 10 55;

„რიონის პიდროლექტროსადგურის“ ადმინისტრაციული შენობა. ქ. ქუთაისი. ტელ.: +995 577 35 07 60;

▶ ქალაქი ქუთაისი. რუსთაველის N3.

2017 წლის 5 მაისს, 15 საათზე ქ. ქუთაისის მერიის ადმინისტრაციულ შენობაში (მისამართი: ქ. ქუთაისი, რუსთაველის N3), გუმათის პიდროლექტროსადგურის კასკადის ფუნქციონირების საექსპლუატაციო პარამეტრების შეცვლასთან დაკავშირებით, გაიმართება ბუნებრივ და სოციალურ გარემოზე ზემოქმედების შეფასების ანგარიშის საჯარო განხილვა. ბუნებრივ და სოციალურ გარემოზე ზემოქმედების შეფასების ანგარიშის წინასწარი ვერსია და შესაბამისი დეტალური ინფორმაცია საქმიანობასთან დაკავშირებით ხელმისაწვდომია შემდეგ მისამართებზე:

▶ საქართველოს გარემოსა და ბუნებრივი რესურსების დაცვის სამინისტროს გარემოზე ზემოქმედების ნებართვების დეპარტამენტი, ქ. თბილისი, გულუას ქ. N6; ტელ.: +995 (032) 272-72-60;

▶ სს „ენერჯო-პრო ჯორჯია გენერაცია“. ქ. თბილისი, სანდრო ეულის N19. ტელ.: +995 577 35 10 55;

„გუმათის კასკადის“ ადმინისტრაციული შენობა. ქ. ქუთაისი, გუმათის, ტელ.: +995 577 35 07 38;

▶ ქ. ქუთაისის მერია. რუსთაველის N 3.

საქართველოს რეგიონული მედია სოფლის განვითარების

საქართველოს რეგიონული მედიის ასოციაციამ (GRMA), რომელიც საქართველოს ცხრა რეგიონში არსებულ 22 გამოცემას და 19 საინფორმაციო ვებ პორტალს აერთიანებს, საკუთარი გამოცემები თბილისში, საქართველოს პარლამენტის გენდერული თანასწორობის საბჭოს პატრონაჟით გამართულ გამოფენაზე წარადგინა.

17 მარტს სასტუმრო „შუალინგ თბილისში“ მასშტაბური კონფერენცია და გამოფენა გაიხსნა, რომელსაც საქართველოს რეგიონებიდან 500-მდე დელეგატი დაესწრო. ღონისძიების ორგანიზატორები აცხადებენ, რომ მათ მიიწვიეს ის ადამიანები, ვინც უკვე შეცვალა ან აპირებს, რომ შეცვალოს რეგიონებში მცხოვრებთა ყოფა უკეთესობისკენ.

ღონისძიების ფასილიტატორი შვეიცარიის განვითარებისა და თანამშრომლობის სააგენტოს (SDC) მიერ დაფინანსებული მერსი ქორდეს-საქართველოს „მცირე კავკასიის ალიანსების პროგრამა“ 2008 წლიდან ხელს უწყობს ბაზრის თანასწორ განვითარებას და სოფლად მცხოვრები ქალებისა და მამაკაცების საარსებო წყაროს გაუმჯობესებას. მათთვის თანასწორი შესაძლებლობების და გადაწყვეტილების მიღების პროცესში მონაწილეობის ხელმისაწვდომობის გაზრდით.

სოფლად და რეგიონებში არსებული საწარმოების სულისჩამდგმელებმა საზოგადოებას საკუთარი პროდუქცია, მოსაზრებები, მოტივაციის წყაროები გაუზიარეს, იმ კონკრეტულ მაგალითებსა და მიღწევებს გაუსვეს ხაზი, რაც სოფლად მცხოვრებთა ყოფას აუმჯობესებს და წვლილი შეაქვს ქვეყნის განვითარებაში.

ღონისძიებას დაესწრნენ საზოგადოებისათვის ცნობილი სახეები სპორტის, კულტურისა და ბიზნესის სფეროებიდან.

ფოიეში მოწყობილ საგამოფენო სივრცეში განთავსებული იყო კერძო და მუნიციპალური ინიციატივები, მრავალფეროვანი ხელნაკეთი სუვენირები, ტრადიციული და თანამედროვე ხელოვნების ნიმუშები და საგნები, რეგიონებში მოქმედი მცირე და საშუალო საწარმოების, ფერმერული მეურნეობების მიერ წარმოებული რძის და თავლის პროდუქტები, ქართული მატყლი, რეგიონული მედია – გაზეთები და ტელევიზიები, უმსხვილესი ქართული ვეტერინარული საწარმოს პროდუქცია, ბიზნეს საკონსულტაციო ფირმები და სოფლის მეურნეობის სხვადასხვა ასოციაციები.

საგამოფენო სივრცეში წარმოდგენილი იყო ფოტოკონკურსის „ცხოვრება სოფლად“ ფინალისტთა ფოტოებიც.

კონფერენციაზე 8 მთავარ მომხსენებელთა შორის იყვნენ პოლენ ბრედბერი - განვითარების პროფესიონალი, თამარ ჩუგოშვილი - საქართველოს პარლამენტის თავმჯდომარის მოადგილე, გიორგი კეკელიძე - მწერალი, გიორგი ბაქრაძე - ეკონომისტი და სხვები.

როგორც მერსი ქორდესი-საქართველოს „მცირე კავკასიის ალიანსების პროგრამის“ მედია მენეჯერმა ნონა სამხარაძემ განაცხადა, დონისძიებაზე მოწვეულმა საჯარო პირებმა და თანამოაზრე ადამიანებმა სახელისუფლებო და სამოქალაქო სექტორებიდან, დიდი ქალაქებისა და პატარა სოფლების წარმომადგენლებმა, რომელთათვის მნიშვნელოვანია საქართველოს რეგიონებში მცხოვრები ქალებისა და მამაკაცების, გოგონებისა და ბიჭების კეთილდღეობა, ისაუბრეს იმაზე, თუ რატომაა მნიშვნელოვანი თანასწორობა ჩვენი ქვეყნის რეგიონების ეკონომიკური და სოციალური გაძლიერებისთვის.



კონფერენციის მნიშვნელოვანი ნაწილი იყო ფოიეში წარმოდგენილი პროდუქციის გამოფენა, რომელთა შორის იყო საქართველოს რეგიონული მედიის ასოციაცია. ასოციაციის აღმასრულებელი დირექტორის, მაია მამულაშვილის განცხადებით, ასეთ გამოფენაზე რეგიონული გაზეთების ექსპოზიციის წარმოდგენა იყო პირველი მცდელობა, რომელიც აძლიერებს ასოციაციის როლს უშუალოდ სოფლისა

და ქალაქების მცხოვრებთა ინფორმირების მიმართულებით. „ასოციაციის თითოეულ წევრ გამოცემას, რომელიც უტყუარ და ეთიკური სტანდარტებით მომზადებულ პროდუქციას აწვდის ადგილობრივ მოსახლეობას, დიდი წვლილი შეაქვს სოფლისა თუ თემის განვითარებაში.“ დამატებითი ინფორმაციისთვის ეწვიეთ www.alcp.ge და SDC-ის ოფიციალურ ვებგვერდს www.eeg.ge